



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita S. Liborii Episcopi, Calcvo Laborantivm Patroni

Bolland, Johannes

Antverpiae, 1648

§. V. S. Liborivs calculo laborantium Patronus.

urn:nbn:de:hbz:466:1-9573

dis Septembris an. 1477. Erat tunc Andegauensis Episcopus, cum illa renouata societas est, Ioannes de Bellâ-valle, pt videre est apud Claudio Robertum. Cum verò primùm facta fuit an. 1256. Ecclesiam Cenomanensem post B. Gaufredum gubernabat Guilielmus Rolandus; Michaël Auis Andegauensem.

§.v. S. LIBORIUS calculo laborantium
Patronus.

28. **Q**uâ religione atque alacritate populorum inuestitus Paderbornam Liborius est, eadem deinceps palam ac priuatim honoratus, vocatusq; in vota. Neque spem deuotæ sibi gentis, accolaturumq; pietatem destituit, quin Numini ea sibi q; probari frequentibus miraculis testaretur. Fidem facit Auctor antiquus, qui Vitæ illius lib.1.c.5. num.18. cum multa Cenomanis ad eius sepulchrum edita dici prodigia retulisset, ista adiicit: Quod nos facile credimus, ex his quæ oculis nostris videre meruimus, postquam ad nos translatum est corpus. At lib.2.c.9.n.40. Cum tali honore, inquit, sacratissimum corpus in Ecclesiam delatum; & in loco in quo hactenus requiescit, collocatum est. Vbi quantis postmodum miraculis effulserit, quanta sanitatum dona præstiterit, alibi dicenda reseruamus.

29. An ea alio deinde libello sit complexus, aliūs ve post ipsum, nobis haud constat. Sed cum ciuitas Pa-

Miracula
Paderbornæ
facta,

B 5 derbor-

26 VITA S. LIBORII PATRONI

derbornensis , vt in Vitâ S. Meinwerci Episc.
v. Iunij memoratur, anno Christi 1000. Ottō-
nis III. 17. Indict. 13. incendio vastata sit, quo &
deperdita: nobile principalis Ecclesiæ Monasterium,
præcipui operis & decoris, à Karolo Magno
fundatum, à beatæ verò memoria Badurado
Episcopo consummatum, & xiv. Calendas
Nouemb. dedicatum , cum libris , priuilegijs
plenarijs, alijsque Ecclesiæ ornamentiis con-
flagravit; facile euenire potuit, vt ea quoque mira-
cula , si mandata litteris erant, perirent. Quæ verò
recentiora: postea contigere, vel omnina scripta non sunt, vel per-
dita; vel uspiam ignorabilibus scrinijs abdita. Nam
Albertus Krantz Decanus Hamburgen-
sis, qui 600. post scriptorem illum annis vixit,
Metropolis lib. I. cap. 28. vti suprà §. 3. nu. II. dixi-
mus, testatur celebrem eius ad sua usque tempora
memoriam extitisse, quod crebra in populum
beneficia contestantur, inquit, ac merentur.

*Liborij fre-
quens ibi
nomen:*

*Altaria ei-
dicata:*

30. Hinc clarum eo tractu Liborij nomen, quod
quamplurimi gerunt, appellanturq; Teutonicè Bor-
ris, aut ad blanditias, præsertim cùm adhuc paruuli
sunt, formâ diminutiâ, Borrisket.. Neque enim
S. Borissus, Wlodomiri Magni Russorum Re-
gis filius in ijs regionibus notus. Dicatum eius nomi-
ni in Collegio Societatis I E S V Paderbornæ
oratorium, sive facellum est; atque sub Cathe-
dralis basilicæ turri altare. Ad venerandas eius
reliquias magna hominum confluunt Paderbor-
nam multitudo, tum alias per annum, tum præser-
sim quibus diebus eæ per urbem circumferuntur, ac
solennes

solennes habentur supplicationes. In his vero sup- reliquiae circ-
 plicationibus ante feretrum, cui eius reliquia- cumlate,
 rum theca imposita est, cauda pavonis ab Sa-
 credotum aliquo gestatur. Cuius ritus, haud alibi
 (quod quidem meminerimus) obseruati, assequi adhuc
 caussam non potuimus. Specie quadam magnifi- ritu singu-
 centiae, à maioribus usurpatū coniectant sagaciores lari,
 quidam: alijs à quopiam euentu manasse. Neque caussa
 est, cur illud siue auitæ simplicitatis, siue celebris
 olim facti, eatenus iam oblitterati, monumentū ab-
 rogetur. Fuere porrò Reliquiae S. Liborij antea in- in eleganti
 cluse intra capsam ex ære affabré factam, tumbæ capsâ,
 ferè specie, atque inauratam, ornatamq; circum à Cos. ge-
 duodecim Apostolorū argenteis statuis. Eam statâ:
 in supplicatione Consules aliquæ primarij è Se-
 natu (vii h̄c Antuerpiæ statuam Deiparæ) ge-
 stare consueuerunt. Verum nuper Lutheranâ discipli-
 nā deprauati, id onus, velut indecorum aut supersti-
 tiosum, excussero; quibusdam viris pijs mala, quæ his
 annis plurima vrbi euenere, palam ominantibus. Ea
 autem tumbâ à Christiano Brunswicensi ab-
 latâ ac lacerata, vt infra dicemus, alia ex argento,
 pretiosa & elegans restituta. Reliquiae eius aliquæ iam Reliquiae
 olim collegio S. Castoris apud Confluentes donatæ, Confluentia.
 & ex Christophori Bravveri nostri libro xv. Anna-
 lium Treuirënum patet, vbi anno M C C V I I . factam
 eius basilicæ dedicationem refert, inq; Reliquiarum,
 quæ in maiori altari continentur, catalogo, ista ha-
 bet: De Sudario S. Thomæ Ep. & M. Cantua-
 riensis, & S. Liborij Episcopi, & aliorum mul-
 torum Sanctorum.

31. Ne-

28 VITA S. LIBORII PATRONI

patrocinii
contra cal-
culi dolores:
*id indicans
imago:*

31. Nephriticis potissimum doloribus reme-
dium, S.Liborij patrocinio, queritur. Quam ad
rem S.Benedicti opem alij implorant, qui S.Hen-
rico Imperatori in somnis calculi dolores, quibus
cruiciabatur, in perpetuum abstulit: alij S.Drogo-
nis, cuius in Seburgo vico iuxta Valencenas cor-
pus afferuatur. Celeberrimum, in huius curatio-
ne morbi, est S.Liborij nomen, ut infra pluribus pa-
tebit. Eam ob causam ita illius effingunt imaginem,
ut pedum dextrâ teneat, lœuâ librum, cui ali-
quot calculi superpositi.

*VVernerus
Archiepisc.
Mogunt. sa-
natus.*

32. Præsens S.Liborij auxilium expertus olim
Wernerus Archiepiscopus Moguntinus, qui,
ut scribit Serarius noster, ab anno 1260. ad 1284.
fedit, atque auctor Germanis Principibus, Ru-
dolphi Hasburgici ad Imperium evehendi fuit.
De eo ista habet Gobelinus cap.67. Eo tempore
Wernerus Archiepis. opus Maguntinus visi-
tans reliquias S.Liborij in Paderborn, meritis
eiusdem Sancti, ibidem à calculo liberatus
est, Vnde contulit, manus porrigentibus ad-
iutrices ad reformationem ipsius Ecclesiæ
Paderbornensis, de prouinciâ Maguntinâ exi-
stentibus, xl. dies indulgentiarum, anno
MCCLXXVII. Coperitne primam ex eo tempore
contra calculi molestias inuocari S.Liborius, quia
eum veneratus leuamen senserat Wernerus; an
quia iam antè subuenire eâ ægritudine laborantibus
soleret, ad illum deprecandum is accesserit, haud te-
merè decernimus.

33. Antiphona extat & precatio in vetustis-
simis

simis rituum sacrorum Breuiarijs, quâ S.Liborij
aduersus hæc mala auxilium exoratur. Eam censem
Paderbornenses ex Galliâ cum omni Ecclesia-
stico, quo is colitur, officio, allatam; ^{vetus ad} ^{eam rem}
nephriticorum dolorum curatione celebrem ex-
tuisse oporteat: cuius rei nulla apud Coruasse-
rium mentio. Antiphona porrò in antiquis tum
manu exaratis tum excusis libellis precum, ita re-
fertur:

Ad S. Liborium Episcopum, à calculosis
spécialiter honorandum, Oratio.

Christi Præsul egregius

Pro nobis hic Liborius

Oret Deum altissimum;

Ne pro culpâ peccaminum,

Morbo vexemur calculi:

Succurrant nobis Angeli,

Et post vitæ certamina

Ducant ad vera gaudia.

¶. Ora pro nobis pie Pater Libori.

¶. Ut à calculi mereamur doloribus liberari.
Collecta. Deus, qui B.Liborium, Pontificem
tuum, alias innumeris gloriosum miraculis,
speciali in medendis arenarum & calculi pas-
sionibus priuilegio decorasti; præsta, quæsu-
mus, vt ipsius meritis & intercessione, his
alijsque malis eruti, gaudijs perfui merea-
mur æternis. Per Christum Dominum no-
strum. Variat non nihil, quæ nuper cum eius ima-
gine cusa est oratio. Nam Responsorium ita
habet: Ut à calculi doloribus mereamur erui.

Col-

30 VITA S. LIBORII PATRONI

Collecta verò: Deus, qui B. Liborium Pontificem alijs innumeris clarum miraculis, speciali in medendis utinam & calculi doloribus priuilegio decorasti; tribue, quæsumus, ut, eius meritis & intercessione, ita ab ijs & alijs malis eruamur, ut gaudijs perfrui mereamur æternis. Per Christum Dominum nostrum, Amen. Breuior aliquantò Collecta, è vestito Breuiatio Treuirensi, inferius recitatur in Historiâ secundæ Translationis, per Ioannem Carolum Erlewinium descripta.

§.VI. Capta à Christiano Brunsvvicensi
Paderborna: ablatæ S. LIBORII
Reliquiae.

34. **N**emo Germanorum hæreticorum pro Frederici Comitis Palatini, & regno Bohemiæ, quod iniuste occupârat, & mox proprijs Christianus ditionibus exturbati, defensione, arma sumpsit turbulentiore, simulq; infeliciore conatu, quam Christianus Frederici Ulrici Ducis Brunswicensis frater, episcopatus Halberstadiensis Administrator. Erat huic magnanima indoles, tam excelsa digna genere; verùm eadem nimis facilis, aptaq; circumueniri, præsertim cum apud Batauos, sub quibus militaris artis tirocinium posuerat, alè Calvianorum præceptiones, & religionum ac iuris despicientiam imbibisset, ut iam tum apud hæreticam plebem, dictiis assuetam, Furiosus Episcopus audi-